



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU HRVATSKE SELJAČKE STRANKE

Broj: 03-07-6-671/17
Sarajevo, 30.08.2018. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke Hrvatske seljačke stranke za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2016. godinu, utvrđeno je da je Hrvatska seljačka stranka prekršila odredbe člana 11. i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske seljačke stranke za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2016. godinu, Hrvatska seljačka stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	1.071,65	100,00
	Izvori finansiranja (I+II)	1.071,65	100,00

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke je Hrvatska seljačka stranka. Skraćeni naziv je HSS.

Stranka je registrovana kod Općinskog suda u Mostaru dana 13.09.2010. godine, Rješenjem broj: R/5-10.

Sjedište političke stranke je u Mostaru, ulica Kralja Petra Krešimira IV L-5¹.

Lice ovlašteno za zastupanje stranke je Mario Karamatić, predsjednik stranke.

Lice ovlašteno za podnošenje finansijskih izvještaja za 2016. godinu je Mario Karamatić.

Prema podacima iz godišnjeg finansijskog izvještaja za 2016. godinu, Hrvatska seljačka stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske seljačke stranke za 2016. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

¹ Hrvatska seljačka stranka je, dopisom broj: Ur.br.1/10/15 od 15.11.2015. godine, obavijestila Centralnu izbornu komisiju BiH da će se komunikacija sa strankom obavljati na novoj adresi u Posušju, Ulica Fra Grge Martića 31.

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U periodu od 2010. do 2015. godine, obavljani su pregledi godišnjih finansijskih izvještaja Hrvatske seljačke stranke, nakon čega su izdati izvještaji o pregledu sa mišljenjem revizora, nalazima i preporukama revizije, osim 2013. godine za koju stranka Centralnoj izbornoj komisiji BiH nije podnijela godišnji finansijski izvještaj, niti je omogućila pristup svojim prostorijama kako bi se izvršila revizija. Centralna izborna komisija BiH je, u okviru svojih nadležnosti utvrđenih u članu 14. stav (2) Zakona o finansiranju političkih stranaka, Odlukom broj: 03-07-6-1104/15 od 09.12.2015. godine Hrvatskoj seljačkoj stranci izrekla administrativnu mjeru, u skladu sa članom 10. stav (8) istog Zakona, kojom se stranci uskraćuje pravo da se kandiduje na narednim izborima (Lokalnim izborima 2016. godine).

Nakon obavljenog pregleda finansijskog izvještaja za 2015. godinu, izdat je Izvještaj o pregledu sa mišljenjem revizora, nalazima i preporukama Hrvatskoj seljačkoj stranci da u svrhu ostvarivanja svojih programskih ciljeva svake godine donosi program utroška sredstava, da vodi poslovne knjige u skladu sa računovodstvenim propisima i da uspostavi potpune i tačne evidencije o svojim rashodima, da finansijske izvještaje Centralnoj izbornoj komisiji BiH podnosi u skladu sa Zakonima iz njene nadležnosti i da uspostavi blagajničko poslovanje u skladu sa važećim propisima.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Hrvatska seljačka stranka nije ispoštovala date preporuke.

5. NALAZI I PREPORUKE REVIZIJE

5. 1. NALAZI

Pregledom godišnjeg finansijskog izvještaja utvrđeno je da je Hrvatska seljačka stranka prekršila odredbe člana 11.² i člana 12. stav (1) i stav (4) Zakona o finansiranju političkih stranaka.

Hrvatska seljačka stranka je uz godišnji finansijski izvještaj za 2016. godinu dostavila obrasce Godišnjeg obračuna za 2016. godinu. Uvidom u dostavljene obrasce nije utvrđeno da je Hrvatska seljačka stranka Godišnji obračun za 2016. godinu i podnijela Finansijsko-informatičkoj agenciji. Na osnovu Izjave predsjednika stranke utvrđeno je da stranka nije vodila poslovne knjige, što je suprotno računovodstvenim propisima i odredbama člana 11. i člana 12. stav (1) Zakona o finansiranju političkih stranaka.

Hrvatska seljačka stranka nije popunila godišnji finansijski izvještaj za 2016. godinu u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 12. stav (4) Zakona o finansiranju političkih stranaka.

² Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

Služba za reviziju je utvrdila da podaci iskazani u godišnjem finansijskom izvještaju o stanju novca na transakcijskom računu i blagajni stranke na dan 31.12.2016. godine, prihodima, rashodima i obavezama ne odgovaraju podacima iskazanim u Godišnjem obračunu za 2016. godinu.

- Pregledom je utvrđeno podaci iskazani u godišnjem finansijskom izvještaju o stanju novca na transakcijskom računu i blagajni stranke na dan 31.12.2016. godine ne odgovaraju podacima iskazanim u Godišnjem obračunu za 2016. godinu.

Naime, stranka je u Bilansu stanja na dan 31.12.2016. godine iskazala novčana sredstva u iznosu od 12.551,00 KM, dok je u obrascu 2 (pregled prometa svih transakcijskih računa političke stranke) iskazala saldo u iznosu od 1.273,01 KM, što odgovara podacima iz izvoda sa transakcijskog računa.

- Hrvatska seljačka stranka je u Bilansu uspjeha za 2016. godinu iskazala ukupne prihode u iznosu od 1.607,00 KM, dok je u godišnjem finansijskom izvještaju iskazala ukupne prihode u iznosu od 1.071,65 KM.

Takođe, stranka je sredstva iz budžeta Općine Posušje iskazala na obrascu 3 kao ostale prihode, čime je prekršila odredbe člana 13. i 19. Pravilnika.

Uvidom u transakcijski račun stranke broj: 3060060001013423 kod Addiko Bank utvrđeno je da je stranka ostvarila prihode iz budžeta Općine Posušje u iznosu od 1.071,65 KM.

- Stranka nije u godišnjem finansijskom izvještaju iskazala rashode, iako su ukupni rashodi u Bilansu uspjeha za 2016. godinu iskazani u iznosu od 1.503,00 KM.

- Hrvatska seljačka stranka nije u godišnjem finansijskom izvještaju iskazala obaveze na dan 31.12.2016. godine, čime je prekršila odredbe člana 24. Pravilnika.

Uvidom u Bilans stanja na dan 31.12.2016. godine utvrđeno je da obaveze stranke iznose od 12.361,00 KM.

5.2. PREPORUKE

Preporučuje se Hrvatskoj seljačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi poslovne knjige i podnosi finansijske izvještaje na način koji je utvrđen Zakonom o računovodstvu i reviziji FBiH i*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku Hrvatska seljačka stranka nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić